



## Allakkiaq

### Meerartaarnermi sulinggiffeqartarnej pillugu inatsit – naatsumik oqaluttuarinera

Inatsisartut isumaqatigiittut meerartaarnermi sulinggiffeqartarnej pillugu inatsit nutaaq ulloq 11. novembari 2020 akuersissutigaa. Meerartaarnermi sulinggiffeqartarnej pillugu inatsit nunatsinni angajoqqaanut meerartaarnermi atugassarititaasut pitsaassusaat nutaamik tunngavilerneqarput, tamannalu meerartaarnermi sulinggiffeqartarnissamik sulisitsisumut sulisartumut angajoqqaanullu pilerinarnerulersitsissaaq.

#### Meerartaarnermi sulinggiffeqarfiusoq

Arnep erninissaanut sapaatit akunneri sisamat sioqqullugit naartunini pissutigalugu sulinggiffeqarsinnaatitaalsaaq. Taamatuttaaq arnaq ernereernerup kingorna sapaatit akunneri 15-it tikillugit sulinggiffeqarsinnaatitaavoq. Marlulineri amerlanerusunilluunniit ataatsikkut meerartaarnermi arnap sulinggiffeqarfia sapaatit akunnerinit 15-init sapaatit akunnerinut 19-inut sivitsorneqassaaq. Ataataasut anaanaaqataasulluunniit meeqqap inunngorneranit sapaatit akunneri 15-it siulliit iluanni sapaatit akunnerini pingasuni ataqatigiissuni suli sulinggiffeqarsinnaatitaapput. Angajoqqaat meeqqap inuuneranit sapaatit akunnerinut siullernut 15-inut uiggiutigalugit katillugit sapaatit akunneri 21-t tikillugit sulinggiffeqarsinnaatitaapput.

Meeqqap inunngornerata kingorna sulinggiffeqarsinnaanermut pinsinnaatitaaffik angajoqqaamut sulinggiffeqartumut meeqqamik najuinissaa piumasaqaataavoq.

Meerartaarnermi sulinggiffeqartarnej pillugu inatsit nutaaq pingaarnertut immikkoortunik arlalinnik imaqarpoq, taakkualu immikkut tamarmik ilaqutaasut atugaannik pitsanngorsaaqataassapput:

- Suliffeqarfinnut namminersortunut ernineri aningaasaateqarfik
- Ernissaq sioqqullugu sulinggiffeqartarnerup sivitsorneqarnissaa aamma ernisut illoqarfinni nunaqarfinnilu ernisitsiviusinnaanngitsuni najugallit immikkut eqqarsaatigineqarnerat
- Naatsorsueriaaseq nutaaq angajoqqaanut ernineri ullormusialinnut aningaasatigut atugaasa pitsanngortinneqarnissaannut atorineqassaaq.
- Meeqqamik annaasaqarnermi sulinggiffeqarsinnaatitaaneq
- Angajoqqaat sulinggiffeqarnerminni sapaatip akunneri sisamat kingullit qanoq atussanerlugit namminneq aalajangersinnaalerpaat.
- Ilaqutariinnut meeravissiartaartunut pitsaanerusunik atugassaqaartitsineq
- Ilaqutariinnut paarsisartunut pitsaanerusunik atugassaqaartitsineq

### **Suliffeqarfinnut namminersortunut ernereernermi aningaasaateqarfik**

Suliffeqarfinnut namminersortunut erninermi aningaasaateqarfik ataatsimut akisussaaffeqaqatigiittut naligiissaarinerмик aningaasaateqarfiuvoq, meerartaarnermut atatillugu akissarsianut aningaasartuutit sulisitsisut tamarmiusut akornanni agguataarneqarnissaannut qulakkeerinnittussaq. Sulisitsisut namminersortut meerartaarnermut atatillugu sulinngiffeqarnermi akissarsisisinissaminnik pisussaataalissapput, taakkualu erninermi aningaasaateqarfimmiit kingorna utertinneqarsinnaapput. Sulisitsisunut namminersortunut sulisoqarnermut akitsuutit siunertamut atorneqartussat qaffannerisigut erninermut aningaasaateqarfik aningaasalersorneqassaaq. Tamatuma saniatigut Namminersorlutik Oqartussat ukiumut aningaasanik suliffeqarfinni namminersortuni sulisunut erninermut atatillugu ullormusianut aningaasartuutit annertoqataannik tapersiisassapput.

Erninermut aningaasaateqarfik makkununga iluaqutaassaaq:

- Suliffeqarfinnut angisuunut mikisunullu assigiimmik erninermut atatillugu sulinngiffeqarsinnaaneq, sulisup sulinngiffeqarnerani suliffeqarfinnut minnerusunut aningaasatigut artukkiinerit erninermi aningaasaateqarfiup pingaartumik annikillissittassammagit.
- Suliffeqarfeqarfinni pitsaanerusumik naligiissitaaneq Erninermi aningaasaateqarfiit suliffeqarfeqarfimmi naligiissitaanermik pitsanngorsaaqataasut nunanit allanit misilittakkat takutippaat. Sulisitsisut arnanik qitorniorsinnaasunik sulilersitsisannginnerat annikinnerulerpoq ataataasullu sivisunerusumik sulinngiffeqartalerlutik.
- Ilaqutariit meerartallit meerartaarnermut atatillugu sulinngiffeqarnerup nalaani naleqquttumik pilersornissaminnut tunngavissaqarnissaasa qulakkeernissaa
- Kalaallit suliffeqarfiisa sivisunerusumik atasinnaanissaat, aningaasaqarnikkut patajaatsuunissaat unammillerluarsinnaanissaallu
- Angajoqqaat sulinngiffeqarnerminni akissarsiarisartakkamik 80 %-ii akissarsiariinnassavaat.
  - Akissarsialli erninermut atatillugu ullormusiaritinneqartunit appasinnerunngisaannassapput.
  - Akissarsialli akigititat annerpaaffianniit aamma qaffasinnerusinnaanngillat.
  - Sulisut tamakkiisumik akissarsiaqarnissamut pisinnaatitaaffiliisunik isumaqatigiissuteqarunik tamakkiisumik akissarsiaqaannassapput.

### **Erninissaq sioqqullugu sulinngiffeqartarnerup sivitsorneqarnissaa ernisullu illoqarfinni nunaqarfinnilu ernisitsiviusinnaanngitsuni najugallit immikkut eqqarsaatiginerat**

Sulinngiffeqartarneq pillugu maleruagassat allanngortinneqarput, naartusut erninissaannut sapaatit akunneri sisamanngoraangata sulinngiffeqalersinnaalerlugit. Naartusut erninissaq sioqqullugu pitsaanerusumik ingerlanissaat, piffissamilu tamatumani naartusut amerlasuut napparsimallutik nalunaartarnerat tamatumani ilalerniarneqarput.

Sulinngiffeqartarnermut malittarisassat allanngornerini arnat najugartik qimallugu allamut erniartornissaannik nakorsamit innersuunneqarsimasut immikkut eqqarsaatigineqarput. Tamanna ilaqutariinnut illoqarfinni minnerusuni kiisalu nunaqarfinni najugallit pingaarnertut eqqarsaatigineqarput. Naartusup erninissani sioqqullugu sulinngiffeqarsinnaatitaanerata aallartinginnerani erniffissaminut aallartariaqartillugu,

meerartaarnermi sulinngiffeqartarneq pillugu inatsit nutaaq naapertorlugu, naartusoq ulloq aallarfiissaq aallartiffigalugu sulinngiffeqarnissaminut pisinnaatitaavoq.

**Naatsorsueriaaseq nutaaq angajoqqaanut meerartaarnermi ullormusialinnut aningaasatigut atugaasa pitsanngorsarneqarnissaannut atorneqassaaq.**

Ulloq erniffissatut naatsorsuutigisaq sioqqullugu sulinngiffeqarsinnaanerup sapaatit akunnerinut sisamanut sivitsorneqarnissaa taamaalilluni meerartaarnermi ullormusiaqarsinnaatitaanerup naatsorsorneqarnissaanut unamminartut qaangerniarneqassapput. Meerartaarnermi ullormusiaqarsinnaatitaaneq sulinngiffeqarnerup aallartinnissaanut sapaatit akunnernik 13-inik sioqqullugu akunnerni qassini sulisimaneq tunngavigalugu naatsorsorneqartarpoq. Naatsorsueriaaseq nutaaq taanna atulerpat angajoqqaat piffissami sulinngiffeqarnissamik tungaannut assersuutigalugu napparsimaneq tunisassianilluunniit amigaateqarneq, maskiinanik ajutoorneq, silarlunnerluunniit pissutigalugit sulisinnaasimanngikkunik sulinngiffeqarnermi nalaanni isertitatigut ikilisaaffigineqassanngillat.

Ullutsinni anaanaq naartunermi nalaanni napparsimasutut nalunaarsorneqaruni akunnerit agguaqatigiissinneri appartinneqarsinnaapput. Ataataq nioqutissianik amigaateqarneq silarlunneraluunniit pissutigalugu sulisinnaanngitsoq taamatutaaq ullormiit ullormut sulinnginnerani erninermut atatillugu ullormusiassai appariartussapput. Naatsorsueriaatsip nutaap taassuma ilaqutariit sulinngiffeqarnerup nalaanni aningaasaqarnikkut pitsaanerusumik tunngavilerneqarnissaat qulakkeerneqarpoq.

**Meeqqamik annaasaqarnermi sulinngiffeqarsinnaatitaaneq**

Meeqqamik annaasaqarneq alianartorujussuuvoq. Angajoqqaat meeraq erniunerme kingornatigut sapaatit akunnerisa 15-it siulliit iluanni toquppat sulinngiffeqarnissamut pisinnaatitaapput. Marlulinerme malittarisassat erninerup kingorna sapaatit akunneri 19-iupput. Taamaattorli meeraq angajoqqaat sulinngiffeqarnerisa nalaanni toquppat sulinngiffeqarsinnaanerup ulloq taanna taamaatissaaq. Angajoqqaat aliasunnerat uagut nammassinnaanngilarput, malittarisassalli pitsanngorsarsinnaavagut angajoqqaallu qaangiinissaannut piffissaqartillugit. Meerartaarnermi sulinngiffeqartarneq pillugu inatsit nutaaq naapertorlugu angajoqqaat sulinngiffeqarneranni meeqqamik annaasaqartut minnerpaamik sapaatit akunnerini sisamani sulinngiffeqarnissamik pisinnaatitaaffilerpavut.

**Angajoqqaat sulinngiffeqarneranni sapaatit akunneri sisamat kingulliit qanoq atussanerlugit namminneq aalajangersinnaanngorpaat**

Angajoqqaat sulinngiffeqarsinnaatitaanerup sapaatit akunnerinik sisamanik 1. januaari 2020-mi sivitsorneqarpoq. Sapaatit akunneri taakku sisamat meerartaarnermi sulinngiffeqartarneq pillugu inatsisimmi nutaami qanoq atorneqassanersut angajoqqaanit nammineq aalajangerneqarsinnaalerput. Angajoqqaat assersuutigalugu sapaatit akunnerini arfineq-pingasuni piffissap affaani sulinissamut piffissallu affaani sulinngiffeqarnissamut maanna periarfissaqalerput. Angajoqqaat angajoqqaatut sulinngiffeqarnissaminnik sapaatit akunnerinik sisamanik kinguartsinissamik aamma toqqaasinnaapput. Angajoqqaatut sulinngiffeqarnermi sapaatit akunneri kingulliit sisamat qanoq atorneqassanersut sulisitsisumik sulisumillu isumaqatigiissutigineqassapput.

**Ilaqutariinnut meeravissartaartunut pissutsit pitsaanerusut**

Maleruagassat allangortinneqarput, meeravissartaartut sulinngiffeqarsinnaaneri qulakkeerniarlugit. Meerartaarnermi sulinngiffeqartarneq pillugu inatsimmi nutaami meeravissartaartut sulinngiffeqarnissamik pisinnaatitaassagunik meeravissartaarnissartik sioqqullugu piffissaq meeraq peqatigalugu atorneqarnissaanut malittarisassaq taamaalilluni atorunnaarsinneqarpoq.

Meeqqanut akilersuutit il.il. meeravissartaarnermi tapiissutit tunniunneqartarneri pillugit Inatsisartut peqqussutaat nr. 2, 3. marts 1994-imeersoq Inatsisartullu peqqussutaatigut nr. 3,12. juni 1995-imeersukkut allangortinneqartoq kiisalu Isumaginninnermi aningaasannorlugit tunniunneqartartut pillugit kaajallaasitaq naapertorlugu meeravissartaartut angalanermut aningaasartuutitut 36.000 kr.-nik tunineqarsinnaapput.

### **Ilaqtariinnut paarsisartunut pissutsit pitsaanerusut**

Ilaqtariinnut paarsisartuuneq pilerinartuussaaq. Taamaammat angajoqqaarsiat maannakkut paaqqinninnerisiutisisinnaallutillu meerartaarnermi ullormusianik tunineqarsinnaapput. Siusinnerusukkut tamanna periarfissaasimanngilaq. Taamaaliornikkullu Ilaqtariinnut paarsisartuuneq aningaasaqarnikkut pilerinarnerulerpoq.

### **Ullut atuutilerfiusussat assigiinngitsut**

- Meerartaarnermi sulinngiffeqartarneq pillugu inatsit nutaaq, angajoqqaanut ulloq 1. januaari 2021-imi kingusinnerusukkulluunniit meerartaartunut, ulloq 1. januaari 2021-mi atuutilissaaq.
- Sulisartunut namminersortut erninermi aningaasaateqarfik (§ 27-29) ulloq 1. juuli 2021-mi aatsaat atuutilissaaq.
- 2021-mut utertitsissutaasussat annertussusissaat akigititanut annerpaaffissaq aningaasanut inatsimmi Naalakkersuisunit innersuussuteqarnerup kingorna aalajangerneqassaaq.

### **Meerartaarnermi sulinngiffeqartarneq pillugu inatsit uani atuarneqarsinnaavoq: (Meerartaarnermi sulinngiffeqartarneq pillugu inatsimmut linki)**

[http://inatsisit.gl/Lov?rid=%7bC69A8600-4F5F-4D7E-B6E4-37B20F6FB66D%7d&sc\\_lang=kl-GL](http://inatsisit.gl/Lov?rid=%7bC69A8600-4F5F-4D7E-B6E4-37B20F6FB66D%7d&sc_lang=kl-GL)